



1) UJAKKIT

Isumassarsineq tassaavoq ilummut anersaarneq, silammullu anersaaqqinneq. Isumassarsiagut eqqarsaatitsinnut pulasarpur, namminerlu isumassarsiagut tunngavigalugit suliaqartarluta, pinngortit-silluta.

Johan Markussen sorpassuit isumassarsiffigisarsimavai; atuarsimasani, takusimasani, namminerlu misigisimasani.

Maanna affinillit assigiinngitsut ujassuatit. Ujagassatit tamarmik immikkut oqaluttuassartaqarput, Johan Markussen qanorililluni isumassarsisimaneranut tunngasut. Ujagassat nassaareriarlugu oqalut-tuassartaa atuartassuat. Una ujaruk.

NIELS HOLGERSEN

"Niels Holgersenip Sverige kaajallallugu eqqumiitsu-mik angalanera" Selma Lagerlöfip atuakkiaraa tu-saamaneqarluartoq. Selma Sverigemi inuusimavoq, Johan Markussen suli inuunngitsoq.

Atuagaq nukappiaqqamut Niels Holgersenimut tunngavoq. Eqiasuttuuvog, arlaannillu sammisaqal-latuaraangami, uumasut naasorissaasoqarfimmi najugaqarfigisaminiittut qinngasaartarpai. Ullut ilaanni naasorissaasoqarfiup nissiaralu isumaqati-giinngillat, nissiaqqallu angakkuarluni Nielsi miki-suaranngortippaa, nissiaq angeqqatigilertillugu.

Tassanngaannaq Nielsip uumasut oqalunneri paasisinnaalerpai, nerlerlu angutiviaq kusanarluinnartoq oqaloqatigalugu. Nerleq kiffaanngissuseqarluni misilittagassarsiorusukkuarpoq, nerlerit nujuartat angalaqatigalugit. Taamaasillutik Nielsi nerlerlu angalaqatigiillutik aallarput, nerlerit nujuartat Sverige-mi angalaqatigalugit, ilaatigut ulorianartorsiortarlutik. Aatsaat ukioq ataaseq qaangiummat naasoris-saasoqarfimmut angerlaqqipput, Niels Holgersenillu uumasut qinngasaartarunnaarpai.

Johan Markussenip atuagaq atuarsimaneraa naluarput. Nalunngilarpulli Sverigemiinnikuunngisaan-nartoq.

Timmissami issiasoq Niels Holgersenimut eqqaanarpoq, taamaammat ilimagisinnaavarput Johan Markussen atuakkamit isumassarsisimasog.





KINAMIUT UUMASORUJUAT "DRAGE"


Drageq pulateriaarsuttut isikkoqartarpoq, løvetut niaqoqarluni. Ilaat oqartarput pulateriaarsuttut timeqartoq, aalisakkatut tattaqarluni, tuttorsuartut nassoqarluni, qatigattuutut kiinaqarluni, nersussuartut siuteqarluni, tiigeritut isigaqarluni, nattoralittut kukeqarlunilu, anersaapiluttut iseqartoq. Kinami drage uumasuuvoq ajunngitsoq, iluatitsinartoq. Uumasuuvoq peqqusersuinnermik, sapiitsuunermik nakuussusermillu takutitsisoq. Johan Markussen Kinamiinngisaannarpoq. Inuunermi annerpaartaa Narsami najugaqarsimavoq, allamullu angalarpiarsimanani; taamaallaat takorluuinnermini allamut angalasarsimavoq. Imaassinnaavoq aviisini atuakkaniluunniit drageq takusimagaa, namminerlu taamaatumik qalipaansaminik isumassarsisimalluni.



KÂRALE ANDREASSEN – QANGAKKUNNIIT UUMASUT EQQUMIITSUT

Kârale Andreassen ukiut 100 matuma siorna tunumi inuusi-mavoq. Titartaallunilu qalipaasarsimavoq. Kârale meeraallunili titartaasarsimavoq, titartaallaqqissimavorlu.

Kâralep titartagai Johan Markussenip atuakkani assigiinn-gitsuni takusimavai, assullu isumassarsiffigisarsimallugit. Kâralep titartagai arlallit Johan Markussenip qalipakkamini ilaarsisarsimavai.



EMANUEL A. PETERSEN

Johan Markussen qalipaasartumit Emanuel A. Petersenimit aamma isumassarsisimavoq. Johan Markussenip una titartarsimavaa Emanuel A. Petersenip titartagaa ilaarseqqissaarlugu. Nuummi Eqqumiitsulianik Saqqummersitsivimmi Emanuel A. Petersenip eqqumiitsuliai immikkut ineeqqamut inissititernikuupput. Tassanilu Johan Markussenip ilaarsisimasaa aamma takusinnaavarsi.

ILLUT ISSUMIK QARMAKKAT, AMMASUT MATOQQASULLU

Nuup eqqaani nunaqarfitoqqat ilaat taaguuteqarpoq Kangeq. Tassani Aalut Kangermiu ukiut 150-it matuma siorna najugaqarsimavoq. Qalipaasarsimavoq. Ullumikkut qalipagai silarsuarmi tamani ilisi-manearput. Oqaluttuarineqartarpoq Johan Markussenip Aalut Kangermiup titartagai takusimagai, malugisimallugillu illut issumik qarmakkat ammaannartut, illumut isigisinnaalersilluta. Johan Markussenip tamanna isumassarsiffigisimavaa, takuneraninngaanniillu illut taama titartartalersimallugit. Nuummi Eqqumiitsulianik Saqqummersitsivimmi Aalut Kangermiup titartagai marluk takusinnaavatit. (Kisianni taakkunani marlunni illut issumik qarmakkat ilaanngillat.)

AAMMA ANDERS AND-I NANISINNAAVIUK?



2) UUMASUT EQQUMIITSUT QITITTUT

Tiaavuluit imaluunniit tupilaat?

Tupilaat tiaavuluillu anersaapalaajupput imaluunniit uumasupalaat. Johan Markussenip qalipassimaisai titartarsimasaalu anersaapalaajorpasippat? Soormita?

Nammineq uumasunik eqqumiitsunik, tupilannik tiaavulunnilluuniit, qitittunik titartaagit. Nuummi Eqqumiitsulianik Saqqummersitsivimmi ilisivik igalaamineq tupilannik imalik ujaruk, aammalu kiinapaat ujarlugit, taakkunanngalu isumassarsiorit.